

宋

會

要

全唐文

宋會要

省官

太祖開寶三年七月壬子裁減西川州縣官以戶口為
率差減其員舊俸外月增給五千詔曰與其冗員而重
費不若省官而益俸
丙辰詔天下州縣官依西川例減省員數一云戊辰四年
正月丙午詔停攝官五年正月壬寅減省州縣吏咸平
四年二月陳彭年上五事四曰省官六曰癸卯直集賢
院梅詢言三司總括諸路減省冗吏十九萬五千八百
二人請付史館

宋會要

改官

哲宗元祐二年詔吏部選人改官每歲以人七百為額從孫覿之請也詔聖元年詔見磨勘官人權依元豐令五日引一甲每甲引三人每年不得過一百四十人俟後次不及百人取旨

宋會要

換良

太宗太平興國三年十一月以殿直王操為太子中允
操江表人獻南郊頌稱旨太宗召問操曰汝在江南與
誰等操對曰與張洎同帝問洎今任何官左右對曰太
子中允即以是官命之 雍熙四年五月以侍御史鄭
宣司封員外郎劉瑋戶部員外郎趙載並為如京使殿
中侍御史柳開為崇儀使左拾遺劉慶為西京作坊使
宣等儒業登科咸負勇敢之氣累當邊任能幹戎事故
以命之 淳化二年七月以三班奉職和嶧為大理評
事嶧即五代宰相凝之子少勵志修學帝登極之初補
內職至是進所業文因而改授 三年三月以供奉官

張晟為左贊善大夫晟舉三傳及第任大理評事上書
願從軍故授以內職至是求換秩而有是命 十月以
供奉官張敏中為大理寺丞敏中宣徽北院使遜之子
嘗進所業文願改秩從其請也 五年三月以大理評
事陳舜封為殿直舜封父善秦聲隸教坊為伶官坐事
黜面流海島舜封舉進士及第任舒州望江簿轉運使
言其通法律宰相以補廷尉屬因奏事頌口諧捷給舉
止類倡優帝問曰誰之子舜封自言其父帝曰此真雜
類豈得任清望官亟令改秩而有是命 至道元年三
月流內銓引見選人內秦可觀者常負微譴占對之際
詞氣慷慨帝目之數四又陳廉者自陳前任興州屬邑

薄防援城壘有勞詔並補右班內直授監押差遣各賜
紫袍靴笏銀百兩帝謂之曰汝等苟能副吾任使朕固
不惜恩澤他年勤幹有勞願復文資者亦聽 二年二
月以工部侍郎錢昱為郢州團練使昱秦國王叔兄之
子歸朝領白州刺史上表自陳嘗習文藝求改職除祕
書監遷工部侍郎連知宋宿泗等州無善政至是鄧祀
中外官進秩帝謂宰相曰昱貴家子無檢操不宜任丞
郎故有是命 三年七月以給事中喬維嶽為海州刺
史 真宗咸平三年二月以國子博士鮮于瓘為如京
副使瓘本燕人挺身歸國真宗以其習武藝練邊事故
換秩焉 三月以太常寺奉禮郎雷孝若為西頭供奉

官孝若即廬州觀察使有終之子有終時知益州奉命
討王均遣孝若以捷書入奏帝召孝若賜對久之孝若
自陳願改職以自効故有是命 四月以殿中丞魏霽
為崇儀副使賜袍笏銀帶先是詔朝臣舉文班有武勇
者霽被薦故有是命 五月八日以國子博士劉固為
如京副使太子右贊善大夫石熙政為西京左藏庫副
使賜袍帶如例從武勇之舉也 九日以邳州觀察推
官王瞻為西頭供奉官瞻前任集州有禦賊之勞至是
自陳故獎之 二十日以右神武軍將軍錢惟演為太
僕少卿惟演吳越王俶之子幼好學至是獻所著文召
試學士院而有是命 六月以殿中侍御史張利涉為

崇儀使祕書丞邢文紀為崇儀副使從武勇之舉也
四年九月以虞部員外郎張志言為西京使志言習武
藝朝臣屢稱其才幹至是自陳願換秩故也五年六
月以工部侍郎集賢院學士錢若水為鄧州觀察使
景德元年二月五日尚書尚書左丞集賢院學士陳旭
言其子太常寺太祝淳不率教道喜習武藝願補外州
軍校詔授滁州司馬大中祥符二年三月二十五日
以東上閣門使王承衍為左武衛大將軍仍領永州刺
史知壽州承衍以足疾求換秩居外故也三年正月
詔京朝官欲換武職諸司使副三班使臣欲換文資者
並試時務策三道不習文辭者許直述其事其換武職

者問以邊事 八月以御史中丞兼工部侍郎王嗣宗
為耀州觀察使知永興軍府兼總管 五年五月詔自
今文臣求換武職者並詢其武藝 八年十一月二日
以虞部員外郎王序為如京使 十八日以國子博士
通判邢州郭懷玉為供備庫使 九年三月以四方館
使樊州刺史李允則為引進使領緒州團練使尋改高
州避契丹國諱緒字也允則知雄州赴闕帝以久在邊
任稱職增秩遣之允則以境上書牒往來宜避緒字故
命之後沿邊安撫副使賈宗領平州刺史以北界平州
常移文往來使名稱非便亦改領高州 九月以太子
右贊善大夫高志寧為供備庫副使知祁州賜紫袍銀

帝時志寧獻封事帝曰朕聞其知兵而未常言故命換
拱任以邊郡天禧二年十二月以殿中丞文瑩為崇
儀副使四年三月以都官員外郎雷孝先為內園使
八月以屯田員外郎駱與京為如京使十月以虞
部員外郎田定機為西京左藏庫使太子左贊善大夫
宋平為供備庫副使是月以太常寺丞祝丁珣為內
殿崇班從其父宰相丁謂所乞也十一月以右贊善
大夫宗世基為供備庫副使五年二月以虞部員外
郎王準為西京左藏庫副使五月以大理寺丞通判
澧州劉象中為內殿承制知辰州象中父仁霸知澧州
溪蠻畏服之象中亦累任是境故換秩焉七月以殿

中丞知汝州魏昭文為崇儀副使 十一月以秘書丞

知常州竇錫為洛苑副使 乾興元年仁宗己卯三月

六宅副使知安肅軍高乃言臣男延光授試將作監主

簿欲乞對換一班行隨行指使從之 五月右班殿直

王寶臣言臣應進士四舉三經御試乞換文資詔授試

銜知縣 十一月荆湖北路轉運使金部員外郎劉承

顏言欲乞依屯田員外郎駱與京等例對換一舉諸司使

名額從之 十二月御史中丞知審官院劉筠言近歲

以來京朝幕職州縣官頗援條例乞換武班臣體量得

多以父母之年逼于喜懼苟希改轉幸免持服欲望今

後乞換武班者令所司勘會委是永感即許依條例施

行從之 仁宗天聖元年二月步軍副都指揮使威塞
軍節度使夏守恩言女夫試將作監主簿趙宗奭昨修
真宗上下宮隨行指使勾當乞依姝女夫王仁禎例對
換侍禁詔授右班殿直 六月翰林侍詔王明言臣本
祕閣偕書係資善堂祇應天禧五年充翰林書藝昨遇
登極恩授侍詔切緣臣元不攻習諸家書體欲乞比換
班行詔授左班殿直 八月以三司鹽鐵判官侍御史
劉平為衣庫使閏九月故職方員外郎張惲妻李氏言
有男習進士旦昨蒙恩與下班殿侍念妾家傳儒素年
登八十別無依倚其男旦乞改授一齋郎侍養從之
十一月內殿承制閣門祇候鄧雅言奉勅知宜州有男

試校書郎齊參乞對換班行于岳州側近監當照管家屬仁宗以鄧雅曾在溪洞差使今復遠仕特從其請不得為例二年六月故右諫議大夫劉綜妻長樂縣君

司空氏言有男東頭供奉官允中乞換一文資詔授光祿寺丞四年二月十二日保大軍節度使錢惟演言

次男大理評事晦乞換內殿承制詔授內殿崇班晦娶駙馬都尉李遵女即奧國大長公主所生也故特從其請十三日以權三司度支判官屯田員外郎劉牧

為如京使三月以翰林學士承旨刑部尚書知制誥李維為相州觀察使從其所請也十一月詔三班使

臣內有元是舉人入班行者如樂換文資者左班殿直

與試銜近地知縣候得替無贓罪與節察推官右班殿
直與家便大縣簿尉候得替無贓罪與初等職事官諸
料與令錄三班奉職與除簿尉進士與家便諸料與近
地三班借職與小處判官簿尉殿侍補郊社齋郎 五
年八月以翰林學士兼龍圖閣學士工部侍郎知制誥
權知開封府陳堯咨為宿州觀察使知天雄軍 十月
翰林侍讀學士刑部侍郎孫奭言孫男四人雍維維雅
並右班殿直切聞近敕今後文官只許奏廕文資四孫
雖在條約以前奏廕其餘尚皆幼稚虛請俸錢欲望並
與改授無料錢京官從之 六年十一月以故太尉王
旦孫三班奉職恪為無料錢京官從旦子雍之所陳也

七年五月二十二日詔應殿侍乞換文資人等今後如委是自來文資之家子孫即表狀內開說所習文業或經書名目元授殿侍因依所司方得收進當議差官考試 七月詔今後殿直已上乞換文資者並不行

八年二月三班院言奉職陳象自陳元是進士乞對換文資從之 四月五日三班奉職宋曰言先因妻叔樞密直學士知穎州劉筠奏官念臣早親學問嘗稟義方乞換文資從之 三十日鳳翔府言三班借職監司竹監候訴乞換簿尉從之 五月三班院言奉職林太蒙乞換文資從之今詔今後班行委是文資之家骨肉年二十五以上特許改授文資仍令逐處量試讀律及親

寫家狀繳奏以聞 六月四日龍圖閣直學士左諫議大夫陳從易言奉敕知杭州有男三班奉職紹孫欲望改授無料錢京官于杭州則近監當從之 二十七日三班院言借職王袞乞換文資今試驗本人請律稍熟及親寫家狀繳連以聞從之 七月三班院言左班殿直郭道暉乞換文資試讀律稍熟詔與換簿尉 八月太子少保致仕馬亮言次子仲甫先遇承天節奏授右侍禁後轉左侍禁今則頗習儒業乞改授文資詔授大理評事仍與家便差遣 十一月三班院言借職史世隆自陳是文資之家乞換文資今試讀律稍精熟及親寫家狀從之 康定元年七月二十二日太常博士陟

西河東制置白、監使薛宥為監察御史所領如故。以陝西都轉運使龐籍等言：「朝廷命宥幹監事，若令官名清峻，則事權益重，望換臺憲之官也。」仍諭諸路：「自今不得奏舉對換臺官。」慶曆元年七月，詔言邊事補班行者，自今不許換文資。二年四月，以樞密直學士禮部郎中知秦州韓琦為秦州管内觀察使，樞密直學士右司郎中知渭州王汾為涇州管内觀察使，龍圖閣直學士左司郎中知慶州范仲淹為邠州管内觀察使，龍圖閣直學士吏部郎中知延州龐籍為鄜州管内觀察使。尋從仲淹籍請復舊官職。三年五月，詔內殿崇班以上非有邊功及捕劇賊而嘗歷知州軍同提點刑獄者不

許換諸衛將軍蓋將軍品第三每郊祀得任子孫而願
換秩者皆老疾無狀之人故釐革之 七月詔三班奉
職以下換文資者歷官無贓罪雖三代非文資而有親
叔伯兄弟見仕者亦聽 四年三月十八日以翰林醫
學劉涉補三班殿侍涉家于邊陲熟知山川道路累與
戎人戰鬪實有膽勇用大臣所薦乞換班行因有是命
二十三日內藏庫副使知丹州張龜年授太常博士
龜年在朝行知已薦其材武因換石職今引疾復舊官
五年六月十七日李昭述言史乞換文資惟試讀律
寫家狀便與換官其年及格五班使臣却試書算或弓
弩條制輕重不等詔依文資例與試 七年正月七日

卷一百一十五

四

以太常博士楊畋為東染院使荆湖南路駐泊兵馬鈴
轄用名將之後也 十月詔賈昌朝程琳楊適葉清臣
田況舉京官各一人換右職 八年正月詔舉官陞陟
及換右職者非依編敕及御劄毋得施行時言者以為
近歲為舉多濫亦有負罪不可洗滌之人得更右職率
為朋黨以市公恩不可不革也 皇祐元年三月以東
染院使荆湖南路兵馬鈴轄楊畋為屯田員外郎直史
館從所請也畋先自太常博士換右秩至是自陳在嶺
外捉殺蠻賊因得瘴霧之疾願還文資徙知近北一小
郡故有是命 六月以光祿卿分司南京余靖為左神
武軍大將軍雅州刺史壽州兵馬鈴轄尋請以舊官侍

奏從之 四年八月以知英州祕書丞蘇絨為供備庫
使方賊圍廣州絨率丁壯修完州城設守拒入領兵屯
廣州北邊村以控賊路故特賞之 十二月十一日詔
今後殿侍乞換文資者習文業則試詩賦各一並依禮
部條例施行習經業則須精一經以明十得六為通貼
以念律仍差判禮部貢院官與判國子監官同加考試
至和元年十二月內園使昭州刺史譚嘉震為司門郎
中嘉震自換右職累更邊任晚以目疾願得復還文資
也 嘉祐二年五月召樞密院近臣嘗舉文臣換右職
者自今遇邊要闕人即差擇以聞 三年四月以御前
忠佐馬步軍副都軍頭向寶為禮賓使并州兵馬都監

實素有武藝屢更戰鬥用邊臣薦而特擢之四年十月以內殿崇班柴詠為殿中丞封崇義公簽書泰寧軍節度判官廳事錄世宗之後也五年正月以客省使眉州防禦使張亢為祕書監中丞韓絳言其貪橫不法而亢因自請復為文資而許之六年六月十五日權秦鳳路總管西上閣門使循州刺史劉几乞復換文資詔除兵部郎中差提舉西京嵩山崇福宮仍令中書勘會如舊係看緋即賜金紫英宗治平二年六月詔在京知雜御史以上殿前馬步軍副都指揮使及三路都總管副都總管舉文吏可換右職者各一人十二月十八日陝西安撫使馮京言殿中丞神諤國子博士神

諤並是世衡親子侗儻有材知慮深遠乞與遷換右職
于環州保安軍任使詔神諤除左藏庫副使權廊延路
都監神諤除洛苑副使充環慶路都監候逐路有先年
滿者更不差人 三年四月九日樞密副使呂公弼言
大理評事神古世衡之後習知疆事勇於有為伏望優
與一右職公邊任使詔神古特授殿內崇班差充陝西
公邊駐泊都監 神宗熙寧元年五月七日以駕部郎
中陳求古換宮苑使遙領團練使不得為例求古累歷
知州有治聲翰林學士鄭獬應詔舉官力薦之故有是
命 九月十八日詔醫助教今後不許奏換三班差使
二年七月十九日詔今後奏舉文臣換右職並須實

有武畧曾著績効即許以聞 八月十八日宰臣曾公
亮言親姪右班殿直孝廣頗習文業乞依例換調一官
詔與堂除初等職官 三年八月二十四日以皇姪右
羽林軍大將軍邵州團練使令晏為左驤驎使仍領邵
州團練使外任都監令晏以首應熙寧二年敕乞換外
官至是宗正司同學官保明堪充任使故也 十月十
二日以提舉陝西常平廣惠倉太子中舍劉瑄為西京
左藏庫副使環慶路兵馬都監用宣撫使韓絳薦其才
也 十九日以太常博士陳貺為西上閤門副使知欽
州竊詔歲權廣南西路鈴轄邕州駐劄 四年正月十
八日以虞部員外郎尚鎮為西京作坊使鎮用其母萬

年郡主遺表求換右職故也 五年二月十二日以知
冀州皇城使王亞換虞部郎中堂除知州亞前為員外
郎以近臣薦右職至是自陳願還文史故有是命 三
月十九日中書言禮房修換官法自今祕書監換防禦
使大卿監換團練使祕書少監太常光祿少卿換刺史
衛尉以下少卿監換皇城使遙郡刺史前行郎中換宮
苑使中行郎中換內藏庫使後行郎中換莊宅使並帶
遙郡刺史前行員外郎換洛苑使中行員外郎換西作
坊使後行員外郎換供備庫使以上如正郎帶職即換
閤門使仍帶遙郡刺史員外郎帶職郎換遙郡刺史太
常博士換內藏庫副使國子博士換左藏庫副使以上

如帶職換開門副使太常丞換莊宅副使祕書丞換六
宅副使殿中丞著作郎換文思副使太子中允換禮賓
副使贊善大夫太子中允換供備庫副使祕書郎著作
佐郎換內殿承制太理寺丞換內殿崇班諸寺監丞節
察判官並換東頭供奉官大理評事支使掌書記並換
西頭供奉官太祝奉禮並換左侍禁正字祕校監簿兩
使職官防團判官令錄並換右侍禁初等職官知令錄
並換左班殿直初等職官知令錄未及三考換右班殿
直判司主簿尉成三考以上換三班奉職未及三考并
試銜齊郎各換三班借職內如帶職各陞一資起居郎
起居舍人左右司諫正言侍御史殿中侍御史監察御

史已上各比類官序依帶職人例如籍人材或曾有過
化並臨時取旨特與陞降官資其右職換文資並依此
內奉職以下並換堂除主簿尉三班差使殿侍換郊社
齋郎從之 五月九日檢詳兵房文字朱明之言乞今
後自承制以下如願換文資者不須三代曾任文資之
家子孫及親伯叔兄弟子孫見任文官並許依得替守
選幕職州縣官乞試斷案或律義并奏補京朝官及選
人乞依進士試經義或依試法官條例施行如試中合
格可與比類文資安排所貴各盡其材以就職業少副
朝廷因能任官之意從之 七年五月八日樞密院上
言權通判辰州著作佐郎謝麟累經差使乞與酬獎換

諸司使或橫行副使知沅州詔遷麟兩資至太常博士
特換西上閤門副使就差知沅州兼沿邊溪洞都巡檢
使 八年四月二十五日以皇城使忠州刺史新差廣
西鈐轄石鑑特換衛尉少卿直昭文館鑑累有邊功至
是乞復文資上以鑑本儒者特命直昭文館以榮之
閏四月十七日詔武臣已有試換文資法今後更不許
臣寮舉換 十年六月十八日詔使臣換文資者並試
律令大義十道第一等八通第二等六通第三等四通
為合格 元豐元年二月二十四日詔外任文武官乞
試換者並候已替就試 九月二十八日詔京朝官選
人并使臣換文資所試上等第一宜賜進士出身中等

稍優與堂除差遣中等與不依名次注官下等與注官
內未出官與出官已出官與免短使無短使者升半年
名次 五年十月十八日詔自今義勇保甲及呈試武
藝得班行者不許試換文資 七年三月十六日東頭
供奉官劉儼乞換太史丞從之 八月五日右監門率
府率子猗換通直郎以祕書省試應格也 八年四月
二十七日詔供備庫副使兼閤門通事舍人文昭慶為
奉議郎都官員外郎 哲宗元祐元年二月十二日詔
通直郎李琬特換授供備庫副使從判大明府韓絳請
也 五月十八日殿中侍御言呂陶言皇城使蘇絨忠
義死節其子子元近任朝奉郎乞換武官舊制換過武

臣多自樞密院便除知州軍差遣乞下樞密院除荆湖
廣南極邊差遣從之。二年十月六日詔朝奉大夫朱
衍特換莊宅使文州刺史以苗授薦其沉勇有謀也

九月三日詔莊宅使文州刺史朱衍復為朝奉大夫先
是有司言衍宜任武更至是上書乞復故官也。二十

日詔太子右監門率府率令髦授通直郎。十月八日
詔奉議郎通判宜州黃綯換授莊宅副使充廣南西路
都監兼知賓州。十一月二十七日詔罷內殿承制至

差使試換文資法。三年二月十四日詔今後文臣換
大使臣並三省樞密同取旨從樞密院請也。四年四
月十二日詔右監門衛大將軍士香特授朝請郎轉至

在朝議大夫止先是士香進所業議論詔令秘書省試
換故有是命 紹聖二年四月十八日三省請同知樞
密院以上用門客醫人恩澤乞改授者擬假承務郎不
理選限從之 三年七月二十九日詔宣德郎种師中
換內殿承制充環慶路經畧司準備將領候將來磨勘
轉通直郎日與轉禮賓副使 四年正月十七日詔熙
河路經畧司幹當公事宣德郎种師中罷換授內殿承
制充熙河路第一副將從經畧孫路請也 十月二十
一日詔以通直郎陳安^上換禮賓副使兼閤門通事舍人
從知樞密院曹布薦也 元符^{元年}十月二十一日詔武官
試換文資吏部依元豐試法重修以聞從吏部侍郎黃

蒙請也

二年二月四日朝奉郎廣南西路察訪量必

言通直郎新知柳州陶達素窮武畧深曉蠻情望考察

換右職詔陶達特與換禮賓副使 三年三月五日

已即位未改元

詔左中散大夫新知壽州趙令綽換金吾衛大

將軍均州防禦使 徽宗崇寧二年二月八日使臣王

審言乞檢舉元豐法使臣試換文資敕令所看詳王審

言等所乞吏部元勘會未曾指定今來試格若依元豐

法制隨銓選歲以兩試止試律義至元符中因臣僚奏

請令吏部重修試法其所修到法比之元豐舊法太嚴

今合以前後試法比倣熙寧元豐酌中重別擬修下項

詔諸內殿承制至差使不曾犯賊私罪及笞刑經決而

願換文資者聽召保官二員具家狀二本詣登聞鼓院

投進

外任人候替罷就職此

即授小使臣後未及三年差

使後未及五年三省樞密院書令史以下授使臣差使

若義勇保甲及試武藝并進納流外出身人不用此令

諸武臣試換文資者於易詩書周禮禮記各專一經第

一場試本經義三道論語或孟子義一通第二場試論

一首

限五百字以上成

願依法官條試斷案刑統大義者聽上

條入選試令

元符重修法檢未獲

大觀二年十月二十二日侍衛

親軍步軍都指揮使高球奏伏見通直郎張撝潛心武

畧久習兵書曩在有司已嘗試藝昨緣其父恩例奏名

文資比又獲賊蒙恩改官臣究其才力于武尤長伏望

特依王厚例換一右職付以邊任詔張撓特與換禮賓
副使令樞密院與差遣 政和元年三月十一日詔章
繼于舊官承奉郎上特與換內殿崇班仍令軍頭司取
旨繼初雖以盜鑄錢坐罪而鼓鑄之具無一可證鍛練
成獄至是還官以繼嘗黜故特易以武弁 三年八月
四日詔宗子秉義郎令差經術該明行誼修飭與換承
奉郎 四年九月十四日詔武臣橫行自今通侍大夫
實及四年方許換正任雖奉特旨亦令中書省執奏御
史臺覺察 七年三月四日太尉高球奏伏覩朝散郎
錢懌才力勁強知識明敏留心武略深曉兵機頃緣親
叔景臻授以文資凡厯數任屢獲強盜臣究其才能尤

長武陪伏望特許換一石列必能立功詔依格與換武
義大夫 二十二日右武大夫成州防禦使提舉玉清
儲祥宮鄭子奇奏頃以庸凡獲預隨龍不幸疾恙未盡
勤節切見同時官石端翟成等男例蒙擢任閤門祇候
臣有二男中行中復已係保義郎年將及格素習經術
拙于武事伏望比換文資詔特令國子監召試仍依武
臣試換法施行 四月二十五日廣南西路經畧司奏
承議郎權發遣藤州藤州郭晔親領兵捕獲海賊陳持
等六十七人詔與轉兩官如願換右職與換橫行緣晔
自之官廣西盡蒙差辟極邊任使累立戰功粗知邊計
今情願恭依詔命改換右職詔特與換右武郎 六月

二十一日詔忠訓郎姚汝賢赴中書省試換文資續承
中書省奏試策已引試訖考校合入第五等上詔姚汝
賢換承奉郎 重和元年十二月二十八日臣寮言契
勘開封府刑曹掾趙士純係仲輓之子不曉義理獄事
曠弛每批判訊因訊字作詢欲望令依舊充武臣以清
左選詔依見任官換武節郎 宣和三年正月二十九
日詔保義郎苗梗為進頌文理可採及係武舉上舍出
身特與換文資 四月四日貢士舉院別試所奏奉敕
考試侍從官奏舉便臣試換文資人上等成忠郎王以
寧中等保義郎路允修詔王以寧與換從事郎路允修
與換迪功郎 二十九日詔梁師下使臣忠訓郎儲

宏承信郎曹組特令就殿試考中第五甲賜同進士出身仍轉一官 六月四日江浙淮南宣撫使司奏勛會近據浙西鈐轄曾孝蘊申具到杭州臨安縣尉施提與公人戴高節殺退賊保護邑民功狀數內中等保戶駱閱獲十一級係登納登仕郎詔駱閱與換承信郎 四年六月十一日刑部奏大名府朝城縣迎功郎王康獲五級合該減三年磨勘因捕盜改次等合入官本部勛會本官係流外出身未及三考依條合換降等班行詔換成忠郎 七月一日中書省言檢會奉御筆醫官曹孝忠子二人見任文臣伎術塵俗玷辱士類可令對換醫官名目自今後令尚書省遵守不得換授大臣吏部

供到曹濟見係朝奉大夫曹澄見係奉議郎詔曹濟特授成安大夫曹澄特授成安郎五年四月十八日詔宋晚名臣之裔曹預選尚特與換文資仍差近見開監司屬官五月八日詔宗室換官人並依元換舊官文破請給今後依此六年四月四日詔侍從官依元豐法不許薦舉武臣試換文資欽宗靖康元年五月五日詔少傅安武軍節度使錢景臻鎮安軍節度使開四儀同三司劉宗元為左金吾衛上將軍檢校太保保信軍節度使劉敦檢校少師武成軍節度使劉敏嚮德軍節度使張琳岳陽軍節度使王舜臣檢校少傅應道軍節度使朱孝孫檢校少保瀘川軍節度使錢忱並為右

金吾衛上將軍先是衛史中丞陳過庭言竊惟祖宗創
業艱難愛惜名器當時將帥建節不輕授人自宗觀以
來權臣專政啓僥倖之路高爵厚祿視如土芥雖胥史
廝役間亦濫除功臣貴戚羞與為伍況廩給之厚僉從
之衆坐糜國用百倍佗官今陛下循名責實恭儉節用
以身率四海凡任節度使者人人願自貶損以從德化
特重于自陳爾近因范訥有請願歸環衛授以上將軍
制命一頒衆皆歡抃臣恐自此相繼有請多矣與其有
請而後從不若先為之所嘗聞藝祖削平禍亂一日罷
諸節度悉歸環衛而人無異議者分當然也欲望指揮
所屬詳加裁度除宗室及實有軍功人別作措置外其

其餘並依范訥例換授施行以協天下公議詔令吏部
除宗室外開具內外節度使姓名元除授因依聞奏故
有是命 二十四日檢校少保陸海軍節度使鄭翼之
安德軍節度使鄭成之乞換授環衛官不允 高宗建
炎元年十二月九日詔厯考祖宗朝后久無為文臣侍
從官者朕欲遵依舊制以復祖宗平治之時豈可以近
親違戾典憲邢煥可特換光州觀察使依舊提舉亳州
明道宮初煥除徽猷閣待制以右諫議大夫衛膚敏言
祖宗之法后族戚里不得除文資恐挽法而干政故有
是命 二年正月十八日詔后族自今不許任侍從官
皆為令甲顯謨閣直學士孟忠厚特與換授常總軍承

宣使從臣僚之請也 二月二十四日詔劉正彥與換

武德大夫威州刺史先是朝請大夫新差通判虔州劉
正彥言建炎元年十一月四日手詔求可使絕域能將
萬衆者不以有無官資許詣登聞檢院自陳臣元係修
武郎閤門祇候熙河路湟路經畧使司書寫機宜文字
以先臣法仕帥熙河陷沒戎虜蒙朝廷優卹許換文資
方今國步多艱世讐未復如臣父子蒙恩至厚感激所
至亦能忘身願復武階以應明詔吏部言正彥合授武
德大夫遙郡刺史故有是命 四年九月五日詔以成
忠郎閤門祇候建昌軍兵馬監押蔡延世為承事郎通
判建昌軍延世本太學諸生後以本軍兵馬監押特差

權主管軍事募兵守城江西及福建諸司上其功狀乞
依格換文資通判建昌軍特有是命 紹興元年九月
十日朝請郎楊持乞將換授宣教郎後所得把隘賞合
轉武翼郎于見今朝請郎上轉行一官從之 二年五
月二十四日詔韓文胄元係進士以叔祖駙馬都尉嘉
彥致仕恩澤補承信郎今同尼胄胄奉使可特與換迪
功郎 二十五日詔忠訓郎閻門祇候劉軫特換左奉
議郎軫初以上舍及第政和二年任穎昌府郾城縣尉
以獲盜功授保義郎閻門祇候至是吏部以無條例特
與改正 六年五月十七日詔秉義郎權淮南西路宣
撫使司主管機宜文字張勲久在學校文行俱優令中

書後省量試與換文資從都督諸路軍馬張浚之請也
六月十五日詔右修職郎何焯特授忠翊郎初焯以
獲強盜合改官自陳元係獻納出身不願用賊賞循資
乞換使臣故有是命 七月二十七日詔吳玠男忠翊
郎閻門祇候扶忠訓郎撫並特與換文資 七年二月
十三日詔武節郎閻門宣贊舍人高公繪換授右朝請
郎以朝廷差公繪奉使公繪自陳元係進士後改入武
學賜承節郎出身績又曾請文解到省且嘗兩差奉使
無曠職乞換文資故有是命 九月二十六日詔武節
郎張子儀可召試令吏部依格與文資 吏部言無武
翼郎以上立定換官條格詔特換右通直郎 八年二

月二十四日詔權發遣鄧州充湖北京西路宣撫司幹
辦公事于鵬令中書後省名試時務策一道如文埋可
採特與降等換文資 九年二月十三日詔郭仲荀男
武翼郎閻門宣贊舍人及之令吏部與依格換文資添
差食書昭慶軍節度判官廳公事 十年八月一日詔
從義郎楊師中令中書後省名試時務策一道與換授
右承事郎 十三年十二月二十二日詔楊政男武德
郎庭令川陝宣撫司試策一道與換右通直郎 十四
年五月二十四日趙子攸進所業乞換文資上謂輔臣
曰要換文資須今後省試策乃可朕因喜宗子向學然
文資豈可令僥倖得之 二十二年六月五日詔閻門

宣贊舍人劉伉與換右武郎幹辦皇城司右通直郎劉
炎與換閤門宣贊舍人 二十八年二月十四日詔吳
國長公主孫從義郎潘昌衡昌甫昌嗣昌朝可並換授
右宣義郎 三十年四月二十一日詔修武郎趙不舉
係濮安懿王近屬可特依不悅等例與換文贊 三十
一年八月十三日詔右通直郎直敷文閣劉克勛與換
授武畧郎閤門宣贊舍人從其請也 孝宗隆興元年
六月二十六日臣僚伏觀祖宗朝文武兩途視為一體
未嘗偏輕偏重故有自武臣而以文學換授文資或有
自文臣而以材武智謀換右職當邊寄者多矣錢若水
以工部侍郎為鄧州觀察使李惟以翰林學士承旨為

相州觀察使王嗣宗以御史中丞為耀州觀察使知水
興軍陳堯咨以翰林學士為宿州觀察使知天雄軍至
如韓琦王公范仲淹龐籍四人皆以一時縉紳冠冕改
授觀察使充四路經畧又有從朝臣所薦如呂公弼之
薦种吉自大理評事授內殿崇班充陝西駐泊都監韓
琦之薦李丕諒自館閣乞換右職以備西邊任使是也
方今胡塵未息干戈未靖陛下智勇天錫厲恢復之圖
欲望稽考典故博採中外之臣儻有材智權畧可以臨
邊制閫如侍從大臣則出自聖斷依陳堯咨王嗣宗韓
范徑行改授仍許自郎官以上依呂公弼韓琦例存舉
京朝官選人可備邊任者加陞擢而改授之從之

宋會要

以官回授

高宗紹興元年九月三日知樞密院事宣撫處置使張浚言昨任殿中侍御史自應天府扈從車駕至揚州合轉一官乞迴授兄迪功郎浚改初等合入官從之四年六月二十八日左儒林郎前建州觀察判官黃或乞將致仕合改通直郎同贈父意一官從之五年正月七日中書門下省檢正諸房公事晏敦復言曾祖母張氏已封孺人今乞將妻該遇明堂大禮合得宜人封號回授加封宜人從之三月十日敦武郎朱仲祖乞以封妻恩例回授祖母馮氏詔封太孺人六年十一月二十日尚書右僕射提舉詳定一司敕令張浚言乞以

祿令成書特授左光祿大夫恩例回授兄況從之
二月十一日資政殿學士左太中大夫提舉臨安府洞
霄宮沈與求言乞以磨勘合轉一官回授兄右迪功郎
夢求循轉從之 八年六月二十一日尚書左僕射同
中書門下平章事趙鼎以累辭免特進恩命不允乞回
授從之仍賜一子六品服 九年六月十一日新除江
南西路轉運判官宋棐乞以合轉朝散大夫恩例回授
又右朝奉郎現改賜緋章服從之 十年十一月十三
日詔太師尚書左僕射秦檜辭免轉官特賜一子六品
服 十二年十一月六日詔太師尚書左僕射秦檜母
秦國夫人王氏追封秦魏國夫人檜乞以進封秦魏公

恩回授故有是命仍不許回授 十五年四月二十四

日胡振言蒙恩授河南府助教重念父能耄年欲以上

項官資回授顧官秩卑微無可回授者乞特加存恤詔

胡能特與補諸州助教 十六年三月十三日忠翊郎

新差監潭_州南嶽廟趙詠之言母李氏年七十未蒙恩

封乞將合轉忠訓郎一官回授詔特封太孺人 二十

一日吳國長公主言昨該郊祀太禮合得奏補親屬恩

澤二人內一人欲乞回授與男滿端卿于選郡上轉行

一官從之 十七年十二月十二日太師尚書左僕射

秦檜乞以進書合轉一官回授賜親屬一名六品服從

之 二十八年九月九日詔右正議大夫權尚書戶部侍

郎宋貺特轉一官許回授以驗獲趙青等偽造殿前司
券牒推恩故也 二十四年十一月八日太師尚書左
僕射秦檜乞免加食邑實封恩命詔許將依授官例所
得親屬六品服與孫女夫吳孟賜紫章服孫堪之妻趙
氏與封令人 二十六年正月二十六日昭化軍承宣
使知閤門事兼客省四方館事錢愷乞以四遇大禮合
奏異姓恩澤回授所生母田 加封詔 封兩等 三
月三十日詔成彥忠可與落閤門宣贊舍人將父閤護
衛皇太后轉一官濠州立功轉一官並回授特除右武
郎 四月十三日詔王繼先合轉一官乞回授可與男
悅道特除直祕閣 二十七年三月二十九日詔趙祐

之母程氏特封太孺人祐之以宗子賜進士出身乞用
唱名合得循資恩例回授故有是命 八月二十五日
詔武功大夫貴州團練使兼閬門宣贊舍人李邦傑可
轉達郡防禦使以父合轉一官回授故也 三十年七
月二十六日故慶遠軍節度使張澄孫煥言祖澄以指
置捕捉虔州軍兵齊述等功轉一官乞回授與本家左
選官吏部言依條合回授右選詔依所乞 十一月十
日吏部言故右承 郎趙洙妻孺人陸氏言先舅鼎昨
于紹興八年因修祿秩成書蒙恩特轉一官依條回授
今乞與長男右承務郎趙益照會依條因戰功許回授
者被賞人身亡許行收使其本官係因脩書特轉一官

身亡難以回授然典在罷政一向遷謫以致身亡即與

其他人回授事體不同今欲將上件賞比附戰功被賞

條與孫孟于見今官上轉行從之紹興三十二年

乙卯位未改元六月二十四日中書門下省檢會覃恩赦書文

武官並與轉官有該載未盡事理合措置詔文臣中大

夫武臣承宣使以上并其餘礙止法人並與回授孝

宗乾道四年六月十五日吏部狀故履正大夫安德軍

承宣使傅忠信妻郭氏狀乞將故夫德順軍與金人見

陣立功轉一官指揮回授與男鈞收使本部照得昨降

立定戰功格目內即無德順軍功指揮乞將傅忠信前

項已得旨轉一官依條回授與男收使後有似此生前

見陣立功已得旨轉官許回授之人亦乞依此從之
五年九月十八日詔榮州刺史士恭特授楚州團練使
以兄武當軍承宣使士程該章恩礙止法回授從其請
也六年閏五月六日臣僚劄子近來南班官往往將
所得轉官礙止法恩賞乞回授與一般南班收使作一
官轉行顯是太優欲望朝廷指揮將南班宗室所得轉
官恩賞礙止法之人如同授與一般南班收使即乞特
與收給減十年磨勘其承受減年人若該磨勘即照應
隆興二年三月二十三日指揮對用實厯改轉詔依
二十三日故鼎州觀察使龐石郡王趙懷恩男從義郎
寧國狀故父蒙恩特陞正仕觀察使昨于紹興三十二

年該遇皇帝登寶位覃恩合得轉官經成都府保明蒙
本府稱礙止法而父懷恩身故未曾收使緣父止有寧
國一名乞將上件故父合覃恩依條回授于臣見授官
上轉行准吏部告示稱依近降指揮四川陳乞覃恩申
截自今年正月一日以後申發到部更不受理詔特與
放行 七年十二月十日詔安德軍承宣使張去為該
覃恩合轉一官可依王謙等近例回授與男安中特轉
和州防禦使 淳熙元年四月二十八日詔被沒王事
恩澤人非本宗親不許回授占射詳定一司敕令所言
紹興舊法諸歿于王事被錄用之親聽十年內陳乞占
射應入差遣一次或于授承信郎或將仕郎以上者兩

次即願回授身亡人總麻以上親者聽昨緣有異姓承
受歿于王事恩澤之人一槩陳乞占射故紹興二年十
月九日指揮本宗被錄用親許依條乞占射外餘不許
陳乞即非本宗親皆不許陳乞占射其指揮內雖無回
授之人既非本宗親尚不許陳乞其回授自合亦與本
宗欲依乾道法從之 六月二十七日迪功郎孫達辰
乞將賑濟循資賞回授封母羅氏詔封太孺人 八月
六日皇子魏王府記室叅軍耿秉言自襁褓中出繼伯
父之後當出繼之初所後父母即世已久仍鞠養于本
生父母今本生父見年七十有八欲將今赦合該封妻
恩回授本生父從之 二年十月二十七日慶壽赦應

事太上皇帝轉官資限止法許依條回授曾任執政侍
從官並轉一官年七十以上轉兩官龍飛榜登第人各
轉一官資隨龍人並轉五官資德壽宮官更諸色人在
宮祇應備見勤勞今該遇慶典並與轉兩官資及十年
以上與轉三官資壽全三年度同日赦應轉太中大夫觀
察使以上特許回授宗室文武官及宗婦宗女年七十
號年七十以上之人特與轉官加封礙止法人依條回
授三年九月二十三日監尚書六部門錢瑞忠言亡
母王氏生前秦魯國賢穆明懿大長公主遺表特封感
義郡夫人及臣陞朝每欲加贈以臣父愷見仕承宣使
司封格法只得碩人緣此拘礙無因控陳將來郊祀大

禮合該奏子若未及親情所難安欲將合奏子恩澤回授先妣王氏于郡夫人上追封國號從之 十一月十

二日南郊赦應見任及致仕文武陞朝官禁軍都虞候

以上并藩方馬步軍都指揮使父母妻並與封敘已封

敘者更與封敘亡歿者與封贈已封贈者更與封贈如

祖父母在願合授者聽自後遂六年十二月十八日

詔知已州楊虞仲乞將本身該服色回授與父特依所

乞是日宰執進呈虞仲所乞上曰其父見存以服色回

授非若胥吏輩以減年乞封贈故特從之 九年十二

月五日江西運判兼提刑邱憲言憲母臧氏先緣淳熙

二年十二月十七日慶壽赦恩封至太宜人及該今年

明堂大禮赦恩以宦官品未合封敘而妻安人吳氏却合封敘宜人乞將妻所封回授其母從之 十年五月

七日詔鄂州駐劄中軍統制閻世雄母太碩人王氏特封太淑人世雄言先父舉在中興初致身橫列今贈宜州觀察使老母王氏累封太碩人今年八十三歲良養多病非經遇郊祀無從叨竊異恩乞將世雄蒙恩所轉一官回封故有是命 十一年正月十六日戶部員外郎總領浙西江東財賦准東軍馬錢糧吳琚言被旨太上皇后慶壽七十推恩親屬數內吳琚與轉一官請乞回授乳母范氏特與初封從之 十三年正月一日慶壽赦文武官校副尉下班祇應該遇今赦各與理當三

并帶勅差人比類施行礙止法人持訴依條回授
月八日中書門下省檢正諸房公事孫楙言乞將該遇
慶典所得理當三年磨勘回授久遠改轉章服從之
十二月二十一日思州言楊氏乞故夫田祖行在任酬
育回授與孫男田慶裕等補官上曰夷人補官止是羈
縻之術可與放行乃詔田慶裕田慶琪各持與補進我
校尉 淳熙十六年二月四日登極赦應文臣承務郎
武臣承信郎以上并內臣及致仕官依紹興三十二年
赦文並與轉官不隔磨勘仍依當月二十四日續降指
揮文臣中大夫武臣承宣使以上并其餘礙止法人並
依條回授 同日赦應重華宮見今侍衛親從官僚等

于今敕合轉官外特與各轉兩官資礙止法者許回授
同日敕應文武陞朝官并禁軍都虞候以上父母妻
未有官封者並與封敘已封敘者更與封敘祖父母在
者聽回授 三月二十一日敕文閣待制提舉佑神觀
吳琚言臣乳母范氏見年七十有九昨因該過壽聖皇
太后慶七十恩典陳乞回授已特封孺人今乞將所該
覃恩一官更與回授於孺人上加封從之 二十九日
秘書省正字李寅仲言父蟻實年七十已敘封京秩今
乞將寅仲該過覃恩合轉奉議郎一官回授換緋章服
從之 四月十三日通判永州程行敏乞將磨勘合轉
朝散大夫一官回授與本父偉贈初品官詔特贈承事

郎 六月二十三日樞密院言殿前司選鋒軍統制張

國珍供職滿十年乞依張彥達等轉官體例推恩施行

得旨與帶遙郡刺史吏部勅會係礙止法詔令回授

七月三日利州觀察使耶律迺哩言該過登極轉一官

緣礙止法乞回授與長男妻蕭氏詔特封咸安郡夫人

十月十九日詔閤門宣贊舍人左武衛將軍黃正行

為係前春坊該過登極轉兩官一官特與帶行遙刺一官

回授 十一月十四日吏部申明賈惟聰用酬賞轉遠

郡團練使留正等奏前後轉行體例雖多然俟之于法

則不可上曰且當守法止令回授 二十六日知蔡州

李嘉謀通直郎馮適之乞將赦恩改授服色回授與父

從之。十二月八日永慶軍承宣使趙師夔言該遇登
趣敕轉官依條合行回授緣師夔元係朝散郎充教文
閣待制于淳熙十五年十月四日換授永慶軍承宣使
師夔四男並見條文臣若將上件恩賞回授與武臣則
師夔所得恩寵無所收使乞回授與長男希道于修職
郎上循轉吏部照得諸臣僚轉官礙止法應回授者止
許回授本宗本色有官有服親師夔所乞即不是本色
官有礙條法詔特令回授。紹興元年八月二十三日
左丞相留正辭免進書轉官詔留正兩局提舉並充玉
牒禮儀使可特轉兩官與轉特進內一官許回授。二
十六日叅知政事葛邲辭免進書轉官詔不允可特轉

一官內一官許回授 三年九月二十五日岳陽軍節
度使龍神衛四廂都指揮使提舉佑神觀蕭鷄已言臣
自遠歸朝兒婦淑人耶律氏有子存德自襁褓間携之
來歸今來存德乞將本身秉義郎合該磨勘轉官與母
回授加封從之 四年七月二十五日吏部言太常丞
李諶乞將磨勘轉朝奉郎回授贈本生父母本部照得
李諶本珙之子珙死其母陳氏繼亡伯母蕭氏遂立諶
為伯父養素處士珙之後昨因郊恩諫既乞贈其父珙
及二母矣而又欲以磨勘朝奉郎一官回授與本生父
珙及本生母陳氏前母王氏雖在法不許而事關風教
理則可行詔特依所乞 八月十六日池州駐劄御前

諸軍副都統制率達原言昨往巢縣起蓋樓櫓等了畢
特減二年磨勘緣達原見任武功大夫係礙止法乞回
授與男承信郎勛吏部勘會照得元降指揮即無許依
條回授之文詔特與回授 九月七日新成都府司戶
叅軍李僑奏本貫邛州前來祇赴御試注授上件差遣
重念先父證苦學不售先母廖氏劬勞異常今來祿不
及親不忍出仕欲將本身所得官資回授二親即日休
致歸奉林壑奉旨李僑其志可嘉特依所乞吏部照得
初官未曾任從除止合守本官致仕陞朝官遇赦封
贈父合初贈承事郎母初贈孺人又有京官承直郎以
下父年九十以上遇赦初封合擬承務郎致仕所有加

官致仕回授二親即無上項條令乞將李僑守本官致仕贈父迪功郎母孺人從之先帝紹熙五年閏十月七日都省言承信郎新差監潭州南嶽廟趙汝常奏元係無官宗子曾請到取應解該遇淳熙十六年龍飛赦恩特補承信郎今來已歷一任合該磨勘乞將轉行一官回封所生母鍾氏吏部乃以條法有礙難以施行竊緣先臣善學子紹興二十六年曾以磨勘轉官陳乞回封祖母李氏高宗皇帝嘉之特旨命詞有曰朕以天下為慈寧養猶為未足凡子之孝于親者每樂聞之況近在吾宗乎至今綸言子孫傳誦又覩紹興二十七年宗室不息及淳熙八年彥邀淳熙十三年汝愚等皆有陳請各

將合轉官資回封母及所生母得旨並依奏茲者恭遇
陛下嗣登大寶祇奉三官方將以孝治風化天下而臣
所請情實懇切母子至親綱常所繫律例大法禮順人
情為人子而忘其母雖授爵食祿有所不安今吏部稱
諸臣僚不許以加恩轉官服色之類回授封贈緣臣係
本身磨勘有用官資即非恩轉減年服色之比又遇享
恩該轉一官亦不願祇受乞依先臣善學及宗室不息
等已行體例將臣合轉兩官回封母鍾氏詔將磨勘一
官特與回封慶元元年四月十七日吏部言權吏部
侍郎孫達言乞將轉一官回授贈祖父叔遇祖母李氏
本部勘當在法諸臣僚不許以轉官之類回授封贈注

云太中大夫以上不拘此令照得本官見任權吏部侍郎雜歷在太中大夫之上于法有不拘此令之文乞指揮施行詔從之 二年十月十四 你寧軍節度使開府儀同三司充萬壽觀使韓侂冑言壽聖隆慈備福佑太皇太后上尊號皇后以正位中宮並加冊寶臣猥饗肺腑榮諸舊比當各進一官念臣先曾大父司徒贈尚書令魏郡王諡忠獻配享英宗廟庭琦先臣誠寔唐國賢穆太長公主之子早嘗際會高宗孝宗屢加識擢迄未一施齋志莫償迺俾臣濫竊官榮此臣日夜慚懼食不克甘寢不克寐竊惟國朝近世王安石秦檜俱以真封王舒王申而臣曾大父琦昔在三朝累承顧命臣

為之曾孫雖不敢輒妄評議然天下萬世之公論皎如日星誰能掩之昔所追封且以郡言今恭觀中宮加封三代臣曾大父琦復弗能及此有識之士未忘慨歎而惕惕焉不容自默先臣誠今雖追贈公師謚且闕如欲望聖慈念臣曾大父琦寔相三聖功在皇家而祖妣唐國賢穆太長公主身歿之後其有恩數不敢悉行陳乞欲以今茲恩命一官許曾大父琦照王安石秦檜例加以真封以一官賜謚先臣誠豈獨增賁九原抑以見聖朝之孝治從之六年五月四日止奉大夫同知樞密院事許及之言臣近兩具辭免敕令所修進慶元編類寬恤詔令并役法撮要了畢經修不經進官特與轉行

一官依例加恩恩命蒙賜不允批荅伏念臣出于白屋
致身兩地曾祖以下皆霑宮少卿典緣先臣樞乃先叔
祖懿文先叔祖妣王氏所出叔祖以力學授徒為業臣
童蒙逮事實被義方之訓先臣抱罔極之痛欲報無所
竊見在法諸臣僚不許以轉官之類回授封贈注云太
中大夫以上不拘此令從官則得封贈父母而紹興淳
熙及慶元初從臣相繼有請皆得回授以贈其祖間有
併贈所生父母者望許臣以今來合轉一官回授與先
臣所生父母量贈秩號以見微臣不忘自出之意從之
及之父所生父懿文贈朝奉郎所生母王氏贈安人
十月五日吏部言朝奉郎
祕書郎楊濟乞將明堂大禮赦恩合該封敘妻張氏安

人所封回授母太安人年氏照得淳熙元年江西運判
卹室母臧氏已封太宜人因該明堂大禮緣官品未合
封敘將妻吳氏合封敘宜人回授其母今來楊濟引例
係是特降指揮詔特依所乞 嘉泰二年十月七日華
文閣待制提舉江州太平興國宮俞豐奏乞將磨勘合
轉一官回授贈祖母藍氏詔特依所乞 三年六月五
日朝奉郎將作監陳景思言乞將進呈玉牒了畢合得
修書一官回贈先兄景參直徽猷閣職名上轉行詔特
贈直顯謨閣 十一日中書舍人兼寶錄院同修撰王
容言該遇修進實錄得減三年磨勘乞回授父朝散郎
致仕林宗改轉服色特依所乞 同日王容又言準告

轉中奉大夫合該封贈一次父已封朝散郎繼母安人
鍾氏未該加封妻周氏卻合加封令人乞將妻所該恩
例回授與繼母加封詔特依所乞 開禧元年十一月
一日禮部侍郎李壁言恭被詔書為臣辭免奉使回程
特轉一官不允重念先臣燾贈官已至少師職名見係
敷文閣學士今來乞將臣合轉一官于先臣職名上特
賜加贈詔依所乞李燾特贈端明殿學士 三年二月
十九日中書門下省言下班祇應鎮江府駐劄御前後
軍統制許浚乞將合得官資回授贈父許超及封母王
氏照得近據畢再遇申請許浚因淮陰縣剽寨立功已
降轉六官指揮詔令吏部特與封贈一次已降轉官指

揮更不施行

嘉定元年閏四月二十四日四川總領

陳咸奏蒙恩以粗知守節特轉兩官咸既叨寵數之非常適有私恩之未報重念先伯父升卿知池州青陽縣有政及民受知孝宗咸以治命出繼叔父巨卿今巨卿以咸陞朝已累贈至朝散大夫妣亦至宜人而伯父官止朝散郎伯母喻氏史氏止封安人乞將今轉兩官回授本生父母轉行詔許今將一官加贈本生父母餘一官依已降指揮

四年九月九日迪功郎新成都府司

戶叅軍史公亮迪功郎新綿州司戶叅軍史天錫並乞

以其官封贈父母詔史公亮史天錫各特備從事郎致

仕仍特依所乞

公亮天錫皆蜀進士出赴廷試授闕後公亮以先父嘗充省南北道編以終身

天錫以先父苦學不售並陳乞援李僑房排例
以其官資四封贈父母故有是命且見敘仕門
年十二月十九日樞密院言今年正月十日竇叔內應
文武官僚特與轉一官礙止法人許依條回授照得京
東忠義諸軍都統李全昨任承宣使日談遇上件竇叔
轉官未曾陳乞回授詔特令回授與男李順卿于見今
官上轉行

宋會要

對換官

太宗至道三年九月宋州言知寧陵縣張克勤父潤授
壁州符陽令年老地遙克勤願代父之官詔許與父換
任真宗景德二年十一月詔大名府元城縣主簿鄭
暉解州安邑縣尉李獻可令吏部銓對易其任暉以母
老家貧寓居關右難以迎侍表乞移官就養詞甚懇切
真宗愍之特有是命大中祥符五年十月二十三日
以樞密直學士右諫議大夫任中正知并州徙樞密直
學士右諫議大夫任中正知并州徙樞密直學士禮部
侍郎張秉知相州東多與同僚傳戲又與轉運使陳若
拙飲席詬爭軍務不輯故也六年十月以知洪州馬

亮與知荆南府朱英對換其任以英撫過部內溪洞夫
措也 八年二月二十八日詔河東轉運使段惟幾京
西轉運使陳堯佐交換其任以弟堯咨親嫌故也先是
堯咨知永興軍與轉運使樂黃目不協乃徙知河南府
因有是命 天禧二年二月二十四日命益州路轉運
使韓庶京西路轉運副使趙賀兩換其任以庶上言母
年八十無兄弟供侍故也 仁宗康定元年六月二十
八日樞密直學士韓琦言知陝府楊偕與夏竦累次謀
議不協竦今節制陝西偕之所任恐有妨礙詔河東都
轉運使馬觀與偕換任觀仍加集賢院學士 二年四
月二十一日詔秦州管界諸縣令佐并鎮寨主都監監

押巡檢等委陝西都轉運司體量年老昏昧懦弱不得
力者于轄下選公幹得力使臣對換訖奏如別無可差
即具以聞當議選人對替 慶厯六年九月一日詔新
差知邢州郭承祐與相州對移從諫官錢明逸之奏也
承祐舊知邢州為部民訴納朝廷別與差遣明逸以為
言故有是命 皇祐四年十一月八日詔以知慶州天
章閣待制張昇進龍圖閣學士知秦州龍圖閣直學士
何中立復知慶州先是何中立已差知秦州而諫官御
史指言中立既乏時材不諳邊事交章不已故而易之
嘉祐三年十二月三日以右諫議大夫新知鄧州周
湛改知襄州少府監新知襄州馬尋改知鄧州湛鄧人

奏乞對換其任也

英宗治平元年閏五月十二日河

北都轉運司言睦州刺史恩州鈐轄張賽本出恩州有

僚直在城多有親戚深為不便伏望對移一兵官詔差

潞州總管秦州團練使郭緒對易其任 治平四年三

月二十五日神宗即位未改元以太常少卿楊士彥知

登州先是差先祿卿陳鑄上以鑄才職不稱令別與知

州差遣故命士彥代之 七月十四日差莊宅使賈師

熊知鼎州替劉章以章北人不安水土從其請也 神

宗熙寧元年七月二十四日以都官員外郎馬淵權知

棣州虞部員外郎陸若濟權知德州並從上旨以河北

地震水災易庸暗年老之人可選精吏處置故有是命

三年十月六日以御史知雜知審官西院謝景溫同
修起居注知審官東院蔡延慶兩換其職以景溫言同
知西院李壽朋迺知慶州復主之兄臣屢言復主邀功
生事壽朋懷此怨嫌數蒙侵怒乞易地故也四年三
月十六日以河北轉運使楚建中權發遣三司鹽鐵副
使傅亮俞兩易其任以亮俞言為御史日嘗彈劾薛向
恐難共事故也元豐元年閏正月二十三日知慶州
高遵裕乞避轉運判官孫迺迺詔迺與權發遣河北路轉
運判官黃莘對移遵裕與迺嘗互訟市易及以結羅起
詔獄故也十一月十八日詔提舉永興軍等路常平
等事右贊善大夫李孝博新從舉秦鳳軍路常平等事

右贊善大夫范純粹兩易其任 十二月二日詔開封
判官蘇涓先次與判登聞檢院杜訴權對易仍令開封
府許將根究以御史黃廉言聞百姓傳澤妻經開封府
判狀以夫出外不知消息乞改嫁後判官蘇涓雇以為
婢近澤還家訴理有司欲坐其妻之父罪而同列疑焉
按涓開封官屬必知澤妻妄乞改嫁而令人宛轉顧買
乞盡埋推治故也 二年五月四日詔權發遣三司戶
部副使韓忠彥權發遣鹽鐵副使王居卿兩易其任以
上批鹽鐵事煩居卿魚職別司恐難剗辦又事與市易
相干妨礙故也 十月十四日詔利州路轉運判官程
之才夔州路轉運判官徐師旦兩易其任以利州轉運

使劉忱與之才有嫌當避也

五年二月九日上批新

判尚書刑部何正臣自擢置朝廷以來未嘗踐履刑獄

職任可改差判尚書兵部兼知審官東院

五月九日

詔知青州龍圖閣直學士劉庠與知永興軍鄧綰對易

以御史中丞徐禧言永興浩穰其民鬪暴綰聞葺偷情

乞移綰內郡別選才望之臣故有是命

九月八日詔

勾永興軍等路常平等事張太寧從秦鳳路提舉秦鳳

路常平等事陳康民從永興軍路以提舉弓箭手營田

蕃部事康民置局在渭州太寧兼提舉故移就本路

六年正月二十九日宣德郎守大理正賈種民為尚書

吏部員外郎給事中陸佃繳奏吏部郎官寔與選事非

種氏刑法之吏所宜冒處詔改駕部 七年七月四日

詔新河東轉運副使范純粹為尚書右司郎中右司員

外郎承議郎孫覽為河東轉運副使以上批開純粹與

知太原府呂忠卿素有私嫌恐難協濟邊事故也 八

月二十四日詔通直郎提點河北西路刑獄呂溫卿與

東路承議郎呂仲甫兩易其任以知定州蔡延慶言先

任福建路嘗舉溫卿縣令鄒秀州置獄臣嘗陳首今合

迴避故也 十一月二十六日詔新除吏部侍郎領左

選熊本與吏部侍郎領右選陳安石兩易其任以本日

疾引見選人不能讀奏也 哲宗元祐二年七月二十

三日右司員外郎王覲為侍御史杜純為右司郎中以

御史中丞胡宗愈言純無學術科第用法徇私故與覲
更任 十二月十四日龍圖閣直學士知瀛州滕元發
與龍圖閣待制知成德軍蔡京對易以元發父名與府
同自陳故也 三年十一月八日新任工部員外郎高
士英改提點開封府界諸縣鎮事承議郎張元方為工
部員外郎因言者論士英資淺太皇太后慮違新格未
協人望詔易之 四年七月二十四日新除國子監丞
王讜改為少府監丞讜宰臣呂大防子壻諫官言其不
協公論而大防亦自請改除故也 五年五月二十三
日殿中侍御史賈易言臣昨在諫省嘗論呂陶姦罔因
及蘇軾朋邪害正之迹今軾除御史中丞臣為屬官理

合避嫌詔易與度支員外郎田子諒兩易其任 紹聖
四年十月四日詔新江淮等路提點坑冶鑄錢事呂公
雅與知齊州王奎對易其任公雅以母老有請也 元
符二年八月十六日以竇文閣待制知熙州孫路措置
邈川事兼錯移知河南府以竇文閣待制知慶州胡宗
回知熙州 徽宗崇寧二年九月十一日吏部尚書何
執中劄子伏見官員授差遣兩條應入而各願對換者
不以路分依條限許對換若其間係承務郎以上依法
合借侍郎左選員闕却願與已授差遣選人對換及選
人合借尚書左選闕願與承務郎以上對換者雖各係
應入闕次自來未有許對換之人今欲將承務郎以上

及選人所授員闕如願對換各係應入差遣亦許依條對換從之 政和三年三月十八日湖北轉運副使孫漸奏先任京西轉運判官巡歷汝州魯山縣點檢得官庫金銀鹽鈔厯各有少數牒唐州根究後因犯人妄經朝省陳訴蒙下陝西路再差官根究遇恩原免更不結案即是已經按發其時本縣令係范之才今之才按察點檢荆湖南北路州縣監司職事緣臣本職正係統轄相干有此妨嫌欲望對移別路一合入差遣詔孫漸與江東運副姚亨對移通理前任月日 四年三月二十二日提點荆湖南路學事林傳奏准敕節文令轉運提舉司契勘諸縣官對移上內舍登科人隨資序到任二

年以下充令佐如不足申吏部注人契勘本路所管縣分內有令佐皆無出身去處除盡數對移上內舍人見今闕有出身官已具供申尚書吏部注人竊慮未即到任檢承政和二年十月二十三日敕節文審察如今佐雖無出身却通經術可以委責之人兼或對移今欲且一面依上條審察通經術人兼管或對移候差注到依稟施行詔政和二年十月二十三日指揮更不施行八年九月十一日工部侍郎蔡安時奏先于政和四年任河南尹日與京西轉運使王璠議論不合臣尋蒙誤恩除迹古殿直學士王璠落職放罷去年臣任刑部侍郎其父詔除刑部尚書曾乞迴避家對移工部今來詔

除工部尚書已交割職事與之同部顯有妨嫌詔與刑
部侍郎王孝迪兩易宣和二年九月十八日詔武節
大夫提舉秦鳳路弓箭手吳子厚降授武德大夫興京
兆秦鳳等路保甲兼提舉王師古兩易其任三年四
月二日詔權知南雄州楊積與知康州胡愈對移仍各
通理前任月日先以通判師楊互論不協時和故有是
命五月一日武節郎瀘南潼川府路廉訪使者郭衡
奏臣伏覩元豐敕應知州通判無通判只有僉判或職
官獨員處同川峽路不得並差川峽人臣竊見本路合
州知州朝奉郎史堪眉州眉山縣人司錄承議郎馬祖
武潼川府郫縣人緣合州係無通判州軍司錄係以次

官屬史堪史堪于今年二月一日到任馬祖武于今年三月十四日到任詔馬祖武可對移川路州軍不係川人知通一般差遣 閏五月五日詔知鼎州范世雄與本路鈴轄薛蒼舒有嫌可令范世雄與江南路虔州守臣兩易其任 四年十月九日臣僚言昨有旨守臣三年為任然猶有對移兩易之弊乞重郡守之選去對移兩易之命必使三年為任然猶有對移兩易之弊乞重郡守之選去對移兩易之命必使三年為任毋輒更易從之 十一月十一日兩浙轉運副使奏本路財計係逐州戶曹專任其責自來吏部注擬之際別無銓擇之法故任此職者其閒多有全然不曉財利之人眾廢職

事容縱姦弊隱占侵欺為害不細今來本路如有似此
之人不敢陳乞辟官只乞于本路見任官內許臣移易
一次被移官不理道闕庶各當其任可責勞動從之
七年十一月二十四日臣僚上言竊見州縣命官因事
對移邇來徇私之臣專以喜怒為用無問事之巨細罪
之有無一不如意則必移之僻遠逮其怨釋乃使還任
欲望嚴立法禁應命官寔有罪犯不可存留其任已行
奏劾聽旨之人許移條對移外其罪無實狀者不得對
移從之 欽宗靖康元年三月十九日詔諸路將副押
隊并統領訓練部押官已詔安撫司不依常制移易選
差如輒有錯避致誤軍期帥臣具奏當議軍法從事

四月十七日監察御史胡舜臣言孫覲知利州則奪連
 端夫者以張炳為太學博士則奪湯弼者端夫與弼皆
 待次久矣雖非覲炳以計擢之然朝廷奪彼與此一何
 偏也願痛削此弊以振淹滯實寒暖之幸從之 十月
 十九日臣僚言近制守臣以三年為任母輒更易竊考
 近日郡守有未闋歲而易七人者相州是也有易五人
 者拱州慶源府是也或中道而改命或始至而輒遷未
 易偏舉此除授不審之過或因避親嫌許其對移者法
 也今不因親嫌亦許對移矣窮邊絕塞緩急之際即守
 非人俾之兩易尚為有名今均任內地或已到官或尚
 待次寅緣干請亦得兩易未至官者有為人待闕之議

已至官者有道路流離之苦願確守三年為仕之文罷
去無故兩易之弊詔今後非實有親嫌並不得兩易雖
奉御筆亦許執奏不行餘從之近制謂宣和七年十月
九日指揮見久在門高宗建炎元年六月五日詔以
新除江東運判李彌遜為直祕閣淮南轉運副使彌遜
言弟彌正係江南東西路經制使翁彥國壻乞迴避故
也紹興元年三月十一日詔福建路提點刑獄廖剛
與王圭兩易其任初制置使辛企宗措置福建盜賊討
郃武賊余汝霖未獲剛糾合鄉社欲撫諭歸業符企宗
緩師企宗嘗奏劾之至是剛有新命以為嫌云二年
閏四月十日提舉兩浙東路茶鹽朱緯以本貫台州屬

本路乞迴避詔與韓協兩易其任 十月十六日詔通
判常州鄭釋之與通判池州葛立隆兩易其任以兩浙
轉運副使徐康國等奏知常州俞侯治郡有績近釋之
到任頗以職事不協乞對移釋之故有是命 十一月
二十四日江南東西路宣諭薛徽言比來小官下吏一
被對移終為罪累故為之長者常難之今臣宣諭所到
州縣乞許視吏之能否兩易其任通計月日不理遺闕
詔如有合對移官具事因申尚書省取旨施行餘路依
此 十二月二十五日臨江軍新喻縣丞李維藩吉州
安福縣丞鄧涇州言近承江南西路安撫大使司奏辟
兩縣差遺緣各是本賢乞兩易從之 三年三月二十

二日詔福建路安撫司幹辦公事任良臣與主管機宜
文字王傳兩易其任詳見避親門 五月六日詔李弼
孺與江西轉運判官姚宗文兩易其任初荆湖南路安
撫使兼知潭州折彥質任河北河東路宣撫副使嘗按
知深州李元孺棄城逃遁捕繫孟州獄至是彥質以本
路轉運副使李弼孺乃元孺之弟乞迴避故也 六月
十一日尚書吏部員外郎徐林言淮南收復之初士大
夫零落畧盡諸州窠闕一時從權或自借補入官或自
舉辟止任其間多鄉曲輕猾之徒此隸之人平時暴傑
無賴一旦任職凡可以營私盜貨之事無不為也乞應
係淮南州軍士人所任差遣并委轉運司限一月對換

鄱州一般差遣其不願對換者即罷從之

七月十日

權發遣鼎州程昌禹言昨權荆湖北路安撫使曹安發
漢陽知軍范寅亮違法事今寅亮除湖北路轉運判官

乞迴避詔不許

十月十一日詔四川元係轉運司擬

注案闕仰依舊法施行如遇軍興緩急之際州縣官有
不堪倚仗之人仍許宣撫處置使司差官對移各不理

遺闕詳見奉辟門

四年四月十三日權發遣建康府

呂祉言本府都監所管在城巡檢烟火公事實為繁劇

本府駐泊職事稀簡見任都監喬昌祖才力綿弱臨事

怯懦添差都監趙子決輕率恣縱不循分守各難倚仗

其正任駐泊監押李翼添差駐泊都監王潤各係材武

出身賦性忠樸乞以趙子淡與王潤兩易其任喬昌祖
與李翼兩易其任各不理遺闕從之 二十七日詔知
建州江少虞與知饒州魏玘兩易其任以玘言本路提
點刑獄虞湮初除起居舍人玘任侍御史嘗論奏湮報
政親戚不當任兩省官依條合迴避故也 五月五日
詔工部員外郎章傑倉部員外郎江公亮兩易其任詳
見避親門 六月十日江南西路諸司言洪州南昌縣
事務繁重見任知縣晁頌之以疾作力衰乞于外縣選
官兩易其任今欲將靖安知縣王愷與晁頌之兩易其
任不理遺闕從之 九月二日知温州章誼言近有司
申請部內知縣有不可倚仗之人乞與縣丞監當幕職

官內諸司共選有風力之人兩易其任契勘温州負海
窮僻加以歲事不稔正賴邑長撫字乞許臣用前指揮
於所部官內量度才能兩易其位不理遺闕從之 六
年六月二十二日荆湖南路提點刑獄趙子昂言兄子
崧先英衡獄乞對易別路合入差遣詔子昂與廣西轉
運副使曾幾兩易十四日中書門下省勘會權發遣桂
陽監趙公燿與本路轉運判官王震等互陳職事不同
難以依舊在任訟公燿與知峽州劉亶兩易其位。十
年七月十七日權發遣吉州王洋言與知虔州梁楊祖
因公事所見不同遇有監司行下兩州互勘公事必相
迴避今楊祖充本路安撫使乞迴避詔王祥與知邵武

十年七月
十七日及九
月廿三日兩
行移至八
年十月
寫

軍許知微兩易其任。九月二十三日知臨安府俞侯
言臨安府應辦事務甚多全藉官吏協力其職事繁冗
才力不易其任。七年四月十九日故特進觀文殿大
學士李邦彥母尚氏言邦彥以責官身歿瘴鄉有長孫
衡老今差象州簽判深恐終致流落乞對移湖北一等
差遣詔李衡老特令吏部改差武昌軍簽判。九月十
七日徽猷閣直學士新知袁州李權言往任左司諫曾
論列今江西安撫制置大使李綱而袁州正係統屬乞
追寢新命詔李權別與郡。八年十月十四日詔新通
判秀州莫庭詢新通判建康府葉棟兩易其任庭詢以
私計不便有請故也。二十七日臣僚言江西轉運副

使歐陽與世出官未久若使遽當漕計竊恐未易青辦
況江西民吏頑悍殘寇猶存使者按臨任兼彈壓乞別
選彊練疏通可委漕輓者填闕與世別與差遣從之
十一年六月二十九日詔通判湖州楊可久與通判處
州郭亢兩易其任以可久縱吏為姦故也 七月八日
詔知太平州王禔與知處州朱亮功兩易其任詳見避
親門 八月五日詔提舉江南東路茶鹽公事鄭存年
與兩浙市舶王傳兩易其任詳見避親門 九月六日
新差主管官告院詹猷言高祖名吉難于官稱乞特兩
易行在一般差遣詔與提轄雜買務雜買場顏頊兩易
其任臣僚言提轄雜買務係見闕新差監官告院詹猷

係替見任人徐清來年六月成資闕兼兩處局務清兄
雖差異而提轄雜買物賞格俸皆優于官告院今許令
兩易竊恐漸起攘奪之風詔詹猷與新監進奏院胡涓
兩易其任 十二年四月二十一日詔平山府崑山縣
丞吳詢仁與正差知金壇縣事詢仁對移知金壇縣治
縣有功從泚江安副使劉子羽之請也 九月十三日
詔知南安軍大庾縣徐彭年令本路提刑司依條對易
彭年以論知軍范振不法事引嫌本路提刑司為之請
故有是命 十四年五月二十一日詔權發遣仙井監
何伯熊與知懷安軍羅萬兩易其任詳見避親門 十
八年十一月九日權兩浙路轉運判官曹泳言通判常

州張瑜沈長卿與知州莊必彊互論欲將張瑜與通判
湖州趙善良對移沈長卿與通判嚴州注仔對移從之
二十四年十二月十七日尚書司封員外郎王孫言
近者監司郡守多緣好惡之私更易縣令且在法命官
犯罪雖有實狀亦須具奏方許對移今或謂賊汚不法
而對移者初未究見罪迹亦有不俟奏稟而行者在法
縣有繁簡難易監司察令之能否隨宜對換亦必具奏
聽旨今或謂疲懦不材而兩易者所易之官未必循良
亦有反為民蠹者乞賜禁約詔應命官於院州縣寄居已及
二十七年十月八日詔應命官於院州縣寄居已及
七年雖未及七年而有田產物力及三等户以上並不

許注授本處差遣訪聞近者注授多有違戾可並兩易
從左司諫凌哲之請也 三十年八月二十八日詔公
江一帶巡檢職事稽察姦盜利害甚重其間有年高力
衰之人令諸州守臣各于本處使臣或閑慢差遣官內
選擇有材武人對易先具職位姓名申樞密院取旨
孝宗紹興三十二年未改元十二月二十四日詔新知
池州呂廣問與知徽州薛良朋兩易其任以廣問言管
下石埭縣界委有田產欲望換易它郡故有是命 隆
興元年正月二十一日右諫議大夫劉度言浙西安撫
司叅議官何大圭以私計不便乞易差遣得旨與福建
路安撫司叅議官鄭績兩易臣竊見紹興二十七年十

月八日指揮西北流寓及東南人雖無產業見寄居處
不許注授差遣契勘大圭久居福州平日固以請求援
政凌物得官不赴浙西必欲易任以就所居之地無乃
與紹興法禁大相戾乎乞賜罷黜詔差主管台州崇道
觀理作自陳 四月三十日詔通判濠州鮮于廣與通
判楊州蔣該兩易其任其已差下呂企中改替鮮于廣
通理成資閣從江州都督府請也 七月五日知靜江
府方滋劄子竊惟祖宗以來武人在邊郡必差文臣通
判專任民事其于親民之官如此留意神部內有貪殘
為人害者自當按劾以聞其間有選懦不任民事者欲
令郡守具名申朝廷乞與宮祠差遣通判縣令許令同

曹臣憲臣量其輕重劇易對換差遣訖申朝廷給降敕
割從之 八月四日殿中侍御史周操言臣伏聞近日
改差張祁知太平州林珣知江州方今防秋在近諸處
守臣不是紛然移易之時太平州所差林安宅聞已辭
免朝廷遂致別選守臣今來林珣見在荆襄徑使知太
平州誠為合宜其張祁在江州已久方且諳知人情遽
與珣更易必有迎送往來之擾乞追寢前命令林珣徑
知太平州張祁依舊知江州實為兩便從之 十月四
日詔通判揚州鮮于廣差通判利州以廣言伏覩主之
望除戶部侍郎叅贊軍事緣廣先知漳州醴陵縣日之
望任湖南提舉曾因職事干涉將廣放罷乞行迴避故

有是命 二年八月二十一日詔江南東路轉運判官
史正志江南西路轉運判官葉仁兩易其任以知饒州
王十朋言昨任侍御史日曾論列史正志今饒州實錄
江東理合迴避乞除宮祠故有是命 乾道元年二月
二十日詔今後應堂除在外差遣人非選材能特旨陞
擢者並不許干求更換差遣三省樞密院可常行遵守
仍著為令 三月八日詔權通判鎮江府陸游與通判
隆興府毛欽望兩易其任仍各通理前任月日已差下
杜易改替毛欽望邊維改替陸游並通理成資閣中書
門下有奏陸游以兄沆提舉本路市舶欽望與安撫陳
之茂職事不協並乞迴避故有是命 十四日詔知蜀

州吳援與知利州王璠兩易其任從四川宣撫使吳璘
奏以入覲乞男援照管家屬故也 七月四日詔通判
溫州方朝與新監行在都進奏院汪悟兩易其任以朝
悟各為私計不便乞兩易故也 十八日詔新知饒州
徐藏與新知江陰軍蔣天祐兩易已差下王直中改替
徐藏莫冲改替蔣天祐並成資開以藏言父老抱疾義
難遠去故有是命 八月二十八日向訪吳交如令兩
易各通理前任月日以尚書刑部侍郎方滋劉子契勘
大理寺正斷刑寺正自來差試中刑法人其右治獄係
差有出身或蔭補及試中刑法人竊見見今左斷刑大
理正向訪不曾試中刑法人欲乞令逐官兩易其任故

有是命

二年十一月十五日詔權發遣池州戴達先

與知江陰軍趙彥偁兩易其任以達先言母久抱疾難以迎侍欲乞近處軍壘與見待次人兩易故有是命

三年五月十九日詔新差權通判臨安軍府姜詔與新

隆興府通判富杞兩易其任以詔先任兩浙漕使乞避親故也四年六月十一日詔新知建寧軍府韓元吉

改知江州與王淮兩易其任以元吉言福建路安撫使

王之望係有嫌隙元吉仕度支郎官蒙其論罷建寧正

在統部法當迴避乞改別路差遣故有是命十月二

十七日詔新大理寺丞胡仰與太府寺丞梁李珣兩易

其任內梁李珣通理前任月日以胡仰言竊見左斷刑

評事燕世良係故大理寺丞燕仰之子昨先父辭陟知
靜江府日無辜遭謗其燕仰之被差鞠獄今乞迴避故
有是命 十一月二十五日詔尚書石司員外郎林杲
與樞密院檢詳諸房文字黃石兩易其任以杲言昨嘗
集議疑貸強盜刑名今來伏覩頒降刑部修立強盜斷
例與杲所見不同緣杲見係石司郎官所管刑房職事
難以書擬故有是命 五年九月七日詔新權發遣江
南東路計度轉運副使程大昌與兩浙東路提點刑獄
公事陳溪兩易其任以大昌本貫徽州乞迴避故也
六年六月二十六日殿中侍御史徐良能劄子奏伏覩
開報曾逢差知衢州胡堅常差知秀州二人治郡固優

為之然以達守衛第恐諸兄弟多居衛城出入往來難以止絕邦人觀之豈免瓜李之嫌堅常毗陵人親故經從往來甚通欲蚤正素定莫若使達與堅常兩易庶幾杜絕猜嫌盡公涖職從之 十月九日四川宣撫使司申契勘關外階成西和鳳州知州從來宣撫使司于統兵官內踏逐奏差契勘武德郎閭門祇候知成州梁柄于本州見有田產乞改差知階州却將右武大夫知階州王中正差知成州所責兩使從之 七年五月六日殿中侍御史李處全言伏見新知吉州曾協政文昭公肇之孫博極厚書溫文而懿但吉州繁夥其民冤訟小有不至為協之累則是朝廷用其長新知撫州周樞撥

頃治別素稱敏健若使二人兩易則才適于用事無廢
矣臣又聞知信州林機頃常守信今習其寬厚知嚴州
王師愈為政強敏姦猾斂畏然師愈娶女人也嚴與姦
實為鄰郡親舊請託不無瓜李之嫌若使二人兩易則
寬猛相濟政必和矣並從之 八月二十四日詔新知
撫州曾協與新知永州賈邀兩易其任以協于撫州有
田產乞迴避故也 八年二月十六日新知廣德軍丁
仲京與新權發遣建昌軍富杞兩易其任各以私計不
便有請故也 十二月六日詔新知鄂州王習與新權
發遣房州張椿兩易其任 九年四月二十二日詔權
發遣高郵軍王定國與安豐軍高夢兩易其任各通理

前任月日以定國言比覩閔報改除知揚州兼淮東安撫緣有私嫌恐不安迹乞迴避故也 六月二十一日詔權發遣均州尹機與辰州高泗兩易其任 七月二十三日詔淮東總領沈祖德與知饒州曹繼兩易其任以御史中丞姚憲論祖德知常州專以聚斂為事故有是命 淳熙二年閏九月十三日浙西提刑徐本中言近者州郡之閒率用私意更易官吏不申省部不報監司移郡之邑邑移之郡或以他官而兼攝成以卑官而任重往往辭煩就簡捨薄從厚請求僥覲惟利是趨易置紛然浸亂舊制乞戒勅州郡長吏毋得私自更易從之 五年七月二十二日詔兼權右侍郎官本待問與

魚權司封郎官黃洽兩易待問自言係著作郎見立限
修纂日厯又魚太子侍講凡遇上堂至午方退其權郎
官逐日所受詞訟及銓量審保辦驗告身必須親臨于
修書講經實有相妨乞免魚侍石職事故有是命 渾

熙十六年六月二十四日詔太府寺丞張同之與司農
寺丞郭德麟兩易同之以堂叔張孝伯見任幹辦諸軍
審計司乞迴避故也 十二月二十八日詔通判臨安

府趙師復與添差通判嚴州不釐務趙師應兩易以守
臣張杓言師復素有耳聾之疾難以貳政天府師應兩
率刷邑精力方強故有是命 紹熙元年八月十一日
詔新除國子正李大異與太學正田澹兩易

大易以字
稱上一字

與又名下一字二十五日新權發遣秀州兵馬鈴轄

劉端仁狀宣現任揚州兵馬鈴轄去年十二月蒙辟差

再仕緣已差下劉端仁邊差宣充秀州兵馬鈴轄今來

端仁以老母卧疾情愿兩易庶使宣就仕得祿端仁得

待次以便侍養從之二年正月十一日詔知寧國府

沈揆與知婺州蔣繼周兩易以余端禮新除知建康係本政安撫使沈揆舊因職

事有恤乞改官十五日詔知秀州章冲與知信州張

棣兩易以兩浙運判沈諸係冲外甥三年二月五日

詔新權知茂州喻文然與新權發遣西和州洪觀兩易

緣利父乞行迴避故也三月十八日詔知宜州徐桶

與本路副總管新兼知麟林州沙世堅兩易詳見漢洞

八月十四日詔重慶府通判朱煥與施州通判曹熙兩

易

煥與知重慶府劉德
考職事不協故也

四年十一月二十六日詔新

知泉州何澹與知明州朱佺兩易其任澹命下請祠欲

以奉親養疾故有是命 嘉定二年十一月二十六日

詔侍衛步軍司統領姚瑭與換在外軍中一等差遣以

臣僚言瑭乃附和羅日愆圖謀不軌徐濟之妹婿統領

在軍其任已重徐濟姦謀彼國不預但其與之有連豈

能無疑若久留步旅序進高孟恐亦未便故有是命

十三年三月十五日詔命吏部自今後應命官司計不

便或避親之人除期親並合解罷外餘並要闕期在一

年限內方許對換以吏部申請 十六年正月十八日

都省言朝散郎新通判寧國府史安之狀昨蒙陶注前
件差遣劉瑞闕緣安之與親兄見任江東提舉定之係
是本路監司委有妨嫌合行迴避乞于一等州郡內改
差詔與通判紹興府丘壽倩兩易其任